

皇明法傳錄嘉隆紀

皇明法傳錄嘉隆紀卷三

西湖高汝杖輯

晏昱明閱

庚子嘉靖十九年○正月行邊使兵部尚書翟鸞事竣
還京詔以原職入閣辦事○二月罷武科鄉試○黃霧
四塞隨變爲紅赤色暴風忽起壞文德坊等處上曰
此異風也占謂王兵喪火命兵部會議邊事以聞○御
史姚廣言鄖襄河南饑民就食承天應役而匠額不能
遍及饑民載道陰風淒雨號泣悲呻在天之靈必有惻
然者謹效鄭俠爲圖十二以聞乞命賑散遣從之○

命脩興邸宮殿○三月癸巳朔日有食之○御史包節
劾張瓚賣官鬻爵疑王廷相嗾之因訐廷相專事燒煉
士林共嫺廷相亦上狀自明帝曰二臣皆朕簡注務
期協和毋相詆也○四月聚強縣天鼓鳴夜星隕如雨
○六月郭勛請缺軍糧銀濟工費戶部梁材以法裁之
勛遂劾其違抗命罷材官○七月方士段朝用以燒煉
術因郭勛以進後獻萬金助工雷壇上悅授紫府宣忠
高士後衛卒不驗云○八月大同叛卒以劉源清故逃
入虜中如李天章高懷智等皆爲酋日餘皆僞作僧道
流丐狀爲虜偵伺窺我虛實甚悉至是虜入大同鎮卒

與不與
論通遠臣
不覺任其
拾掠何用
遠師焉

本兵以廣
退為計守
解以解酒
失事地機
若此非天
和所師合
擊之勝
謂固未可
却也成
之更陳
于此

陰與約勿掠人畜我亦不汝阻嚙指折箭以誓乃由井
坪朔州屬門入肯嵐與縣交城汾州至平掠衛殺掠無
算假道大同遇其卒則以所掠遺之撫總苟幸無事而
宣府亦觀望不為應援山西巡撫陳諱告急言大虜深
入十日不返禍且不測而本兵張瓚乃曰虜且退矣何
事張皇三邊總督劉天和聞虜將入警諸將以矢劍徇
既而守陴者醉酒不戒虜登陴入大掠固原乃召醉帥
立斬之三軍股慄率精兵九千蹙虜而撤延緩寧夏固
原兵合擊之會天大雷雨虜弓解馬蹙雙雙淖中死者相
屬我兵分左右翼奮勇犄角強弩大礮虜奔走不暇殺

吉幾于一首功五百。勝大哭走捷聞帝告廟策勲。勝子

陞賞有差。○九月火星犯南斗。○十月大學士顧鼎臣

卒。贈太保。謚文康。

忠臣崑山人。性剛。最無町畦。自入講筵。即受知于上。

禮部尚書霍韜卒。贈太子少保。謚文敏。

韜。嘉善人。以

直道好古。行誼高潔。

上以其才可大用。起擢八座。

知其不言。多見採用。然性剛愎。不能容物。論好高。不達時。

宜云。

金星晝見。○十一月慈慶宮本思殿成。○十二月虜入

大同塞。○羅洪先。唐順之。趙時春。各疏請皇太子于元

日御文華殿受羣臣朝賀。上怒。罷官黜為民。○吏部

尚書許讚。進嬰童百問。上令禮部校刻之。

辛丑嘉靖二十年 正月科臣李文進請禁入覲諸臣以書幣問遺權貴者上可其奏○二月御史楊爵條列五事謂失人心而致危亂上怒甚械訊禁獄○策士奉天殿賜沈坤等二百九十八人進士及第出身有差○四月安南莫登庸面縛軍門獻款請罪上命降安南國爲安南都統使司以莫登庸爲安南都統使子孫世襲給銀印取毛伯溫回京○宗廟灾成仁二主殿○詔止一切工役○恭奉成仁二主于景成殿○御史黨承賜請勅所司條時政缺失允之○湖廣參議方遠宜請開海運 上曰運河一時淺阻已在濬治海運不得輕議

兩以略聞
而德譽倍
昭何也

○六月掩答乞貢不許遂入冠○福建錢士賢雲南人也以御史包節劾罷後節按雲南賢率僕從辱之節以聞謫邊戍○大同有大星東南流其光如炬俄而天鼓鳴○七月以宗廟災罷萬壽賀○交城王紱輔國將軍表相謀襲時嚴嵩受賂爲請得旨選卒獲其籍以聞不吏受賂者各戍邊既而永壽族子惟聰與嫡孫懷燔爭立嵩復受金亦爲覆兄王妃擊登聞鼓奏之因劾嵩貪狀帝曰表相惟聰襲爵行所司劾之嵩安意任事毋以人言介意○八月虜酋俺答阿不孩以求貢不許入犯山西上從馮亮等議命左都御史胡守忠禦之○昭

盛之心事
也勢固難
耳是以古
聖人焉我
必于方極
之時況下
此若乎助
之及禍也
制立

聖皇太后崩○上尊諸曰孝康靖肅莊慈哲懿朗天贊
聖敬皇后○令夏言致仕

時九廟災言在言與郭助為仇益甚昭聖太后崩
上傳太子服制言報流有偽筆上切責令陳狀
言引罪乞還鄉上怒盡削
仕其勲階以證部尚書致

先是給事中減賢劾郭助假威逞肆狀助疏辯上優

答之已而六科李鳳來交劾下都察院嚴勘未報刑科

張允賢論都察院長豪勢而慢朝廷遷延不勘上

怒迭鎮撫司械訊助再疏辯上允之命賜以勅助故

不領科臣復稱疏中有臣奸何事臣當何人何必更勞

賜勅等語上怒曰郭助語甚不遜朕忤無禮陳鍊王

皇太后崩

廷相扶同抗違一併勘奏于是工科高時等遂盡發劾
奸邪事助生殺人律死長繫繫于獄○十月復夏言少
師原職入閣辦事言因上怒與以自解適上備邊事
宜上時治齋其所爲青詞及他文惟言與高稱旨言
詣西苑齋官叩首陛辭上見而憐之特賜酒餼俾還
私第以需後命尋復其勳階官職俾入閣辦事云○十
一月以鹽法久壞令戶部議尚書李如圭奏請禁革餘
鹽上曰鹽法壞于餘鹽卽革之以復祖宗之舊○十
二月遣都臣往山西賑被虜郡縣○南科王燁論明守
中與張璠嚴嵩深相結納與助互爲奸貪近因助敗抗

跪陳計。始附勢以用利。終尾敗以脫禍。此小人之尤也。疏上未報。洎本兵議遣大臣總督。斷違。帝特以守中爲兵部侍郎。及至鎮。乾沒帑金。伐塞上古松數萬株。謂便于哨探。而虜騎長驅。遂無扞蔽。復索富商宿將金錢。進接洪源劾之。亦不報。至是諸臺諫連疏入。詔逮至會訊。論斬。○南城李華妻胡氏。其夫隨父出遊。姑易氏與徐璉通計。汚胡以塞口。胡不從。易與璉掩殺之事。聞命立祠。日哀烈。論祭入祀。典易璉俱伏誅。

壬寅嘉靖二十一年正月。給事胡賓以近畿荒歉。議處發糶。請動支通倉糶米百萬。減價發糶。尙書李如圭屢

邊界亦是
一京師
道謝可情

安撫未嘗
用兵亦未
力戰何以
通和

可其議○三月尚書顧璘輯輿都志進呈上以事多誤
命部臣刪訂○時議築大同邊垣樊繼祖恐虜蹂躪不
能築龔大有爲外邊不可築內邊難爲築本兵言大同
先年既設外邊後設次邊以限華夷尺寸皆金湯也今
不脩築恐虜竊據永無恢復之日矣昔河套棄而陝
右驚西河棄而甘州危大寧棄而蔚州逼三岔河棄而
遼東悚乃兩邊脩築亦一時權宜但地大財匱果難爲
力耳帝命整兵慎守脩垣姑已之○虜掠蘭州○夏言
九載滿考賜段欽勅賜褒諭○五月錦平安南功加選
撫蔡經兵部尚書安遠侯柳珣少保○閏五月殺虜使

石天爵○六月虜擁衆數萬至廣武天屹屹攻堵我兵
敗績虜乘夜趨鴈門沙磧掠越關南代州○虜薄太原
城門外無所掠大肆焚燒捕擄王倫等率壯夫以矢石
火器斃賊十二人虜復焚演武場移營南走○七月朔
日有食之○革大學士夏言職問在言與嚴嵩同鄉稱
晚進言以謙禮驟貴不爲下嵩事之惟謹言坐失旨宜
罷呼嵩與謀而嵩已造上所幸乘一真人第謀壽言
言覺之嗾心腹科道劾嵩嵩益爲恭謹以媚上上是
時已心愛嵩攻者益力上益憐之上在西苑齋
居許入直諸貴人得乘馬言獨用小腰輿以乘上從

香葉巾者
不可服者
也上湯之
何以好為
雖不必知
其之巧難
何必如此
成報

之勿言會上不欲整善冠而御香葉巾命尚方倣而壓
沈水香為五冠以賜言及成國京山嵩等言密揭露非
人臣法服不敢當上大怒嵩于召對目故冠香葉而
輕紗帽于外故令上見之上果悅因留嵩慰諭
甚至嵩因泣訴見峻于言上怒即下勅逐言進聖鑒
謹身殿嚴嵩進武殿因貴科道不糾分別降調冒棒者
七十三人○禮部右侍郎呂繼卒追謚文簡
楠高陵人乃學墓古與馬理康海俱有
時名瑾以同鄉欲引附已絕不與往焉
周府宗人譁凌逼撫臣奏聞革將軍安縵等為庶人
兵部言勝在山西勢甚猖獗上命翟鵬為兵部侍郎總

世為所陷
世生視
不救此
遼事所以
日境也同
舟同濟之
說乃胡越
視之殊為
可恨
使為所陷
老人人世
忠焉則蘇
南無王庭
矣

督宣大偏保山東河南軍務未至而虜列營汾河掠潞
州平陽諸郡我兵皆觀望不戰殺掠甚慘副總兵劉世
忠誓將躡虜力戰諸將無應援者虜集精騎三千蹙世
忠圍之世忠裹創步戰虜眾亦窘會金矢火藥俱罄虜
盡銳攻之世忠中二矢死部將惟張宣臣赴援有傷虜
乃分掠定襄五臺孟縣從廣武出關自陽和塞去凡深
入久駐者四十日掠十衛三十八州縣殺虜男女二十
萬有奇馬牛羊豕二百萬衣襪金帛稱是世忠贈諡宣
臣等賞賚立祠化之○起萬鎧為提督副都御史開府
辰州相機勦捕湖貴苗湖貴之間有山曰蜡尔又曰環

爾諸苗居之苗古三苗遺種也山東北屬鎮溪千戶所
稍南屬竿子坪長官司隸湖廣辰州府山西屬銅仁府
銅仁平頭二長官司隸貴州西北接四川之西陽宣撫
司地東西可二百里南北百二十里苗雖分土隸兩省
中聯絡寘徙實相蔽匿然各土官相轄有戶籍稍輸賦
與廣西徭種不同其屬鎮溪者半與瀘溪編民雜處所
墾種多瀘溪田供徭役雖時小寇竊未叛也有竿子坪
土官田興畱以事繫辰州獄諸苗以其地主也歛賄賂
吏以計脫深匿苗寨主奉之興畱反雪苗多求索淫苗
妻女諸苗怒逐之燬其公署遂叛日相蔓引鎮溪苗亦

叛其貴州銅平苗則土官弱不能制而有司又不能撫恤其屬時有叛苗不納稅糧者官以逋欠責見戶見戶更多逃亡官府嚴督土官平頭長官遂携印逃諸苗悉騷然反共保蜡爾山結砦自固湖貴諸守臣討之不能定遂以事上聞上欲遣官剿撫僉薦萬鏗時鏗家居乃卽家召起爲副都御史開府辰州令相機撫剿鏗乃徵諸路漢土兵進討之鏗受命徵兵討湖貴苗不克有言鎮溪土指揮田應朝爲諸苗所信服足辦此事鏗用爲巡捕指揮應朝故辰州府學生員巧黠多智術能誘煽諸苗往年承順保靖相仇殺皆應朝陰構亂而兩利

得且案查
千凡足等
千請前千

其賄及得逮捕益煽惑羣苗大肆奸利征則底真寇誘殺居民冒功賞撫則挾求重貲多反殺苗實未蒙惠利故功久不成鎰遣人誘苗帥龍來見苗謂必得項始出鎰令一千戶盾龍果來鎰執而奏殺之苗亦殺其所盾千戶鎰乃厚恤千戶家役遣兩省諸監司挾所隸土官親詣賊巢招撫竊以花紅牛酒給魚鹽又計口給糧食官其魁龍許保湖苗暫息貴州苗尚觀望未肯靖鎰遂奏苗平請班師許之朝廷各論功陞賞召鎰還為兵部侍郎未幾龍許保吳黑苗復倡亂焚劫州縣兩省無寧日○八月火星犯南斗○以嚴嵩為武英殿大學士

同習鑿辦事給事中沈良材御史董漢臣等 上言

貪淫猾惡 皇上洞見而以爲輔臣是小人而乘君子

之器也其背公營私變亂國是必將無所不至南京給

事中王燁等劾嵩險詐姦回貪婪久著若處以具瞻之

地是樹天下之貪標也且其子世蕃克頑狡猾同惡相

扶寔之政本必爲國禍南京御史陳紹等亦劾嵩比朕

匪人貪黷貨賂言官屢形論列莫逃聖矚今以璣衡之

重并之必不能回心易慮公爾忘私俱不報○遵按四

川御史謝瑜 上言郭勛胡守中張璠嚴嵩爲聖世四

虎 陛下旬月之間誅殛其二而張璠嚴嵩二虎尚存

何不投之流之以全堯舜之功。尚上疏乞罷。上勉留之。嵩復上言。臣蒙陛下勉留。感激流涕。莫知爲處。而射虎爲羣。向非聖明。委曲保全。臣閣門不知死所。夫射獵尙知報本。臣豈忍負恩私。敢于求去。願臣之心。路雖自信無媿而言者。或聽賊使。或修舊怨。日復一日。轉相猜忌。恐九重高遠。何由盡知。獨有一去。可以塞詆誣之口。上曰。卿安心供事。再有資擾者。重治不貸。○上幸曹光宮。妃寐。宮婢楊金英等怨上共謀行弒。俟上寢熟。以組縊之。而誤爲死結。謀得不遂。璽宮張金蓮知狀。亟走白后。后中夜聞變。曳裾馳至。爲解項結。上得

蘇病不能語。后命左右收金英等十餘人併曹妃俱戮於市。時事起倉卒。妃實不知。上勞問妃死常惻其寃。既而族金英等家以討定官變。勒論中外。○兵部尚書張瓚屢被論劾不去。既而卒。卹典反加隆云。○以毛伯溫爲兵部尚書首。禁格克。命刊布中外。

癸卯嘉靖二十二年 正月朔日有食之。○二月宜大總督翟鵬言。前發帑銀夏秋防禦。今虜警在。孫紀乞增銀接濟。戶部請權發太倉庫銀四十萬應用。又宜大米貴。宜于京通二倉撥米十萬石赴宣府。十五萬石赴大同。併議車脚裝貯事宜。從之。○科臣周怡言翟鵬嚴嵩

聖明治世金鑑 卷之三
憑籍寵靈、特恩脩怨、在內閣、違言失色、見一陛下各選
私背詆、大臣已不和矣、安望其率下事上也、上以怡本
心謗訕、詔如楊爵、例下獄、○七月、焚感入南斗、明年春、
江南斗米二錢、○八月、虜入榆林、塞敗之、○九月上、閱
山東試錄、手批曰、策語含譏訕、禮部尚書張璠奏曰、今
康虜不入犯、乃 皇上廟謨所備、而 請屢飽而去、乞
速治考官、上曰、省閒事、出巡按、教官徒署銜耳、業經
狂悖不道、速治之比、至杖闕下死、布政以下皆違謫、○
禮科給事中陳夔奏、順天鄉試、以日籍中有十餘人、得
旨錢仲寶、並司達治中式者、所司嚴實以聞、○十一月

勅禮部工部復太廟合享制

甲辰嘉靖二十三年 正月朔上不御殿○徵諸鎮兵

戊大同○木土火三星聚于房○二月禮部尚書張潮

副主會場卒于試院以侍講茅瓚代之○三月廷試賜

秦鳴雷等三百七十人進士及第出身有差○方士段

朝用下獄論死○兵部覆科臣戴夢桂奏一量徵調以

備折衝二寬法制以便問謀三擬朝服以備掩襲四懲

規避以堅戰守五廣推擇以備將選今者求將大狹論

將太嚴偏將渾真虛文廢武彼秦趙燕蘭多勇敢精于

騎射若王邦直李大漢其人急召用之上命務實舉行

皇明法傳錄 隆慶卷三 肅皇帝 二

文法太密
焉能使人
毅然任事

八字則盡
六弊

○四月命禮部集議同堂異室之制○五月建州虜犯遼東○六月熒惑犯南斗○八月內苑嘉禾生一莖雙穗六十有四○岑壇靈黍五出者一○科臣王文等劾少詹江汝璧等明私通賄大壞制科內閣翟鑾二子汝儉汝孝連中鄉會若持券取物而業師崔奇勲姻親焦清試既同號座主皆出彰顯其歐陽暎以汝儉舊師故閱昔經陽引嫌而陰籌畫及沈坤之取陸燦高節之取彰謙汪一中皆以賄賂并述一窩當道雙鳳齊鳴之謠以聞鑾疏請覆試上以弊跡顯明下法司逮勘鑾與二子汝璧奇勲清暎俱削籍節克軍坤一中燁得無恙○

以其人跡
案伯三不

以許贊爲文淵閣、張璧爲東閣、叅機務。○十月科臣戴
夔桂劾朱方輕議撤兵、翟鵬寡謀輕信、致虜入犯、命繫
桂詔獄戍邊。○大同順聖川卒劉伏玘、擒獲叛酋王三
以獻、命磔之、告郊廟社稷。○兵部尙書戴金條備邊十
二事：一、別武材以責成效；二、稽分領以別勤惰；三、實飲
伍以備攻守；四、還民兵以裨行陣；五、脩戰車以防勦敵；
六、撥富厚以養馬匹；七、脩關隘以固藩屏；八、重墩臺以
明烽火；九、謹盤詰以杜奸細；十、處降人以收亡叛；十一、
養死士以探虜情；十二、還土兵以備調度。命斟酌舉行。
○加乘一真人體、部尙書陶仲文少師、其少傅、少保、如

故○冬十一月虜破宜府塞入紫荆關時以兵部軍防秋太早故虜遂深入上怒謫總督翟鵬戍邊行至河西務借宿民家不納告之鈔關主事主事健民家令民家留鵬宿民家告之東廠以聞遂後逮鵬并鈔關主事朱方下獄鵬竟度死獄中

乙巳嘉靖二十四年○正月上以恭錄列聖御製文集并聖學心法四書五經大全及性理二十一史諸書成貨總裁等官有差○詔中外嚴禁奢靡○仇鸞奏去冬虜大入寇督兵禦追至朵顏及之一日五戰五捷獲敵百餘并斬吉囊子狼台吉有擒王功本兵劾其辭多

法行自廷
以中外外
乃齊治之
權況也

虛構仲冬日短方及五時質明聞警追躡于沙河直至
朵顏軍行旣遠而加以五戰豈雄捷若是且往年黑山
已誅吉囊子大不孩而今又謂斬狼台吉濫引擒王之
誅妄意封侯之賞宜覈之帝曰斬獲旣多厥功可嘉
加鸞太子太保廕一子巡撫張珩陟一階○閏正月金
星晝見○二月科臣陳棐請徹元世主君臣神主又請
改兩京廟祀碑文俱從之○三月大計京官先南科王
燁首劾嵩奸嵩乘大計令尙寶丞諸僚貽書南考功薛
應旂黜之應旂執書擬奏爲尙書張潤所阻而僚爲南
兵主事有貪聲應旂亦黜之時常州守符驗故南御史

也亦在所黜。嵩乃令御史桂榮劾應旂以私怨黜本郡守。謫補外。○五月楚世子英燿弑其父王顯榕。遣司禮太監溫祥駙馬都尉鄔景和刑部侍郎喻茂堅錦衣衛指揮使袁天章卽訊之。○楚王顯榕選配吳妃生子英燿。嘉靖十七年冊封爲世子。出居緝熙堂讀書。十九年英燿選配陳妃。復令樊鸞通陶元兒等密引宮人方三兒于緝熙堂宣淫。陳世妃啓知吳妃轉啓楚王執方三兒鎖禁北園。陶元兒杖殺。樊鸞痛杖四十。英燿懷恨。又樂婦宋么兒常在楚府唱戲。英燿喜之。令劉金密接宋么兒于緝熙堂宣淫。楚王聞知。劉金引誘英燿爲非。恨

如金之涼
主其耀之
其父所請
逆倫之大
者也不無
出山于天

欲杖死劉金憂懼遂惑英耀日後王位不穩英耀云赴
我先了他府中誰人敢說劉金乘機贊好二十四年正
月元宵節英耀啓請楚王飲酒英耀令謝六兒等執銅
瓜田堯等執棗棍塗抹面目帶回回假鼻伏緝熙堂後
楚王卽座英耀舉手劉金督率謝六兒等擁出突用銅
瓜棗棍執王身進王侍從人朱恩等從廣智門城上用
繩繫下急赴巡撫和御史車純告王遇害情由行接察
司查究英耀遂將宋么兒稱爲新娘娘與之私住于明
陽宮都御史車純會巡按御史伊敏生具奏上命溫祥
等會同撫按官究問英耀赦父情實獄具祭告高祖新

是以為立
義塚于
放生池

于市焚屍揚灰同謀者劓于藩。○七月太廟成羣臣表
賀願詔天下。○御史周冕言廟貌無新不宜遣官代祭
上怒下詔獄。○八月加秉一真人陶仲文伯爵辭乃追
贈三代給與誥命蔭其孫敏為國子生。○諭立京城義
塚。○虜犯大同中路鐵裏關等處總兵張達率眾力戰
却之又犯鵲錫峪叅將張鳳率其屬各殊死戰鳳挺身
陷陣中流矢死餘盡歿報效生員王邦直戰死時虜欲
深入總督翁萬達總兵周尙文各遣騎四出邀虜登山
望見官兵大集乃遁出關事聞上嘉萬達等功各賞
銀幣仍賜勅褒獎復陣亡總兵張鳳原官贈邦直節愍

將可惜
諸表一紙
片

以位且之
言介千柔
如之嵩則
如者容而
抗者危矣

擢食事各蔭一子世襲千戶

王邦直者滋州人方舉千戶是時邊患孔棘

求天下武力之士河南撫按官以邦直應詔鶚錫之戰所衆我寡辱等慮不敵守者促之止激邦直曰若素以勇聞奈何見賊不殺邦直耻之遂大呼入賊陣虜皆辟易見其兵少無後繼遂聚而圍之邦直奮勇而死遂人哀之

十月吏部尚書熊浹諫止箕仙令休致仍遣官校監于

邸次○夏言起用至京自言去而嵩入相是時同事者

或病或徙或罷嵩獨相及召言來陛見後盡復其官

階勲秩且加少師位在嵩上言凡所擬旨行意而已

不復顧問嵩嵩亦默默不吐一詞然心甚恨御史陳其

學以鹽法事論京山并都督陸炳言擬旨令陳伏炳等

造言請死有所進索皆長跪而解以是日與嵩謀傾言
言殊不悟上左右小璫來謁言言奴視之其請嵩必
執手延坐款款密語持黃金置其袖中以是爭好嵩而
惡言上或使夜瞰言與嵩寓中何狀言時已酣而就
枕嵩知之故籍燈坐視青詞草初言亦以青詞得幸至
是老而倦思聽客具草亦不復簡閱多傳所進者上
每擲之地而左右亦無爲報知嵩乃精其事上益愛
之而言之危機伏矣○湖廣巡撫以淮楚間羣盜嘯聚
潢江攻剽州縣請設憲臣專理上諭廷臣推命刑部
員外卜大同爲斬黃江防食事握符往審形勝定經防

甚具盜屏跡焉。○大學士毛紀卒，贈太保，諡文簡。

紀振鄉人，歷仕四朝，守正不阿，以疾致仕，家居二十年，始終一節。

清寧侯張延齡，決西市。張氏自。弘治正德時，憑恃寵

靈，久爲中外所怨嫉。延齡等既得罪，而諸子席其故貲，富貴擅都下，諸無賴子及家奴利其所有，類撰造危言，以恐嚇之，率脅重賄，或索賄不得，或得而意未慊者，則首諸官。去年冬，有班明于雲鶴者，上章告變，搆及中官戚里。延齡自南京逮赴詔獄，瘦死。明雲鶴以誣奏充戍而言者，且接踵未已。有劉東山者，以射父生死在逃，巡視東城御史陳讓捕獲之。東山故刁狡，嘗誣賺張延齡。

子宗儉輩銀物無算至是乃上書言延齡夫妻父子親戚魘魅上事皆實班明等奏不誣其脫已罪併讓搆致之仍取張氏奴陳文紳所構奏詞一紙連封以進諸奸猾小人又羣起而和之言張氏詛咒魘魅事有迹連遂安伯陳鏤西寧侯宋良臣京山侯崔元太監麥福賀思李勲等諸所蔓引無慮數十人章俱下錦衣衛拷訊錦衣衛推鞠東山等所言事皆無實不可聽奏上詔釋元等餘俱行法司會鞠法司擬東山等柳號三月極邊充軍該贖杖還職鏤良臣免究福等請自上裁因言延齡罪狀多端久留禁獄其子姪驕溢欽怨以致奸人垂

平陽府志

擬財物、紛紛告訐、動輒指斥乘輿于犯官某、其于國體
所傷非小、乞將延齡、登賜處決。上遂命決于西市。○
刑部尚書吳山等、會鞫侍郎胡守中、法當斬首、與建昌
侯張延齡同死于西市。○吏部尚書羅欽順卒、贈太子
太保、謚文莊。

欽順江西太和人、學術醇正、標履端方、爲名儒宗。

升湖廣綏寧縣知縣、高應冕爲光州知州、綏寧邑當雲
貴衝繁、民苗雜處、最號難治、冕罷一切浮冗、予以寬和、
豪右兼并、則立均田法、里正侵牟、則有三限法、民不事
積貯、則建預備倉、目不知書、則建虎谿書院、駸駸乎富
庶而興起于行矣。時麻陽兵變、當事者欲手避鋒、叛兵

單鹿門曰
為國家實
心幹事所
以不避氣
險

倡獫狁甚。縛守備將欲殺焉。應冕自邑馳都。謁監司請
日事。亟矣。不圖則滋蔓何極。監司曰。俟兵集。冕曰。撫之
當自定。安事兵。監司曰。誰堪任者。冕曰。某請單騎往。監
司曰。爾書生。後無兵介以行。一旦有變。奈何。冕曰。孔
亦嘗說洞苗矣。苗異類也。尚可感動。況兵為吾人乎。聞
之。鹿生于山。命懸于厨。吾命有所懸矣。監司壯而許之。
冕先馳馳檄諭之曰。有患楚悉赴訴。當為除及。冕至。拔
兵一手持刀。一手持訴詞。計五七十紙。皆憤肆侵剋所
致。冕諭曰。果有侵剋。當為追償。但以部兵而縛本官。
朝廷法紀安在。衆咸釋兵去。守備縛厥角叩首曰。還于

俄寒耳大人生我。晁錄首惡數人。上之監司。而賞其有從事遂平。監司口不煩一兵。不絕一絃。不折一矢。而大難立解。可謂膽智過人矣。薦剡數十上。擬擢臺諫。以不通于內。奸僅改州守云。是浙江仁和人。

丙午嘉靖二十五年。○正月南科游震得言。薛應旂公忠任事。不避怨府。不宜外補。尙書唐龍。屢應旂疾惡如仇。去奸若脫。宜復京秩。從之。○三月太監廖斌。擅權巡按包節。欲繩以法。而語先洩。斌乃候節謁慶獻。賜遣使。散去。詭稱節屯出之。奏上。詔下節獄戍邊。○

高汝斌日。節戍邊。有素難錄。其用心。人才改事。雖執干戈。如在禁闕。文章古勁。雅容博覽。作詩歌。呼自德。皇朝典。傳錄。高汝斌。卷三。高皇帝。事。

居淮十二年。聞太夫人訃。撫平。又十一年。傳廟樂
之憲。皇時。王端發。彈中人李敬。有青泉示。東南幸。則
為。端。校。不。幸。則。為。節。文。夫。復。其。是。豈。顧。同。哉。又。開。節
行。莊。浪。兄。甘。京。諸。山。奔。泉。惜。玉。人。不。善。就。田。嘗。一。叙
甘。前。志。應。嘉。峰。淵。泉。張。殿。問。壯。心。
未。可。量。也。而。抵。以。志。節。題。悲。夫。

倭寇浙東。以朱統為浙江巡撫都御史。討之。自麗市船
几番。貨至。輒除與奸商。久之。奸商欺負多者。萬金少
不下千金。轉展不肯償。乃投貴官家。久之。貴官家又欺
負不肯償。貪戾甚於奸商。番人泊近島。適人坐索久之。
竟不肯償。番人乏食。出沒海上。為盜。貴官家欲其亟去。
輒以危言撼官府云。番人據近島。殺掠人。奈何。不出一
兵。備倭。當如是。及官府出兵。輒齎糧滿師。奸語陷番。

人利他日貨至。且復賒我。如是者久之。番人大恨諸貴官家言我貨本倭王物。爾價不我償。我何以復倭王。不掠爾金寶以償。倭必殺我。盤據海洋。不肯去。近年寵賂公行。上下相蒙。官邪政亂。小民迫于貧酷。苦于征賦。困于饑寒。相率入海。從倭克。往。迫。因。罷。吏。黠。僧。及。衣。冠。失。職。書。生。不。得。志。羣。不。逞。者。皆。爲。倭。奸。細。爲。之。鄉。導。人。情。忿。恨。不。可。堪。忍。弱者。國。飽。煖。旦。夕。強。者。奮。臂。欲。洩。其。怒。于是汪忤瘋徐必欺毛。醜。瘋。之。伙。皆。我。華。人。金。冠。龍。袍。稱。王。海。島。復。糾。漳。廣。羣。盜。勾。集。各。島。倭。夷。大。舉。入。寇。連。艦。百。餘。艘。蔽。海。而。至。南。自。台。寧。嘉。湖。至。蘇。松。迄。淮。北。濱。

海數千里、同時告警、南京戒嚴、兵部議以朱繼爲浙江
巡撫、都御史兼領福興、泉漳、治兵捕賊、純任怨、任勞、嚴
禁閩浙諸通番者、○吏部尙書周用卒、謚恭肅、

用、吳江人、偉亮有節操、
掌銓曹、精納望其丰采、

八月、召甘肅巡撫傅鳳翔于江西、科臣楊宏儒劾、始
爲參政、以籌邊繪圖、輒遷巡撫、一籌未展、遽陞江西、使
非邊材、何以參政、聚列僉都、果有經畧、又傅轉移內地、
乞罷之、而格不行、○九月、大同總督翁萬選劾、宗室充
灼筭、誘誘入寇、訊有跡、令自經、燬屍、餘孽、以示、○十
月、總督侍郎曾統、請復河套、統爲御史、時平遼、陽數卒、

計則善矣
中國兵馬
財糧朝廷
是以其激
先聲

有軍功。陞總督三邊。統念河套肥饒地。久棄之邊。與虜
共之。虜得乘間入巢窟其中。牧水草。其犯秦隴甚易。
欲以十萬逐之。因故地入城。增戍填其中。其爲全陝計。
甚備。然而未發也。適蘇夫人者。大學士夏言之繼妻。有
才色。言嬖而畏之。其妹適適。說夫人之父曰。蘇綱。又以
女之故。出入兩家。千言前極道說復套之意。言以復套
之名美。亟稱說。說亦自信。爲必可成功。乃具方畧。條十
八事。以上。曰。恢復河套。曰。脩築邊牆。曰。選擇將材。曰。選
練士卒。曰。買補馬廐。曰。進兵機宜。曰。轉運糧餉。曰。申明
賞罰。曰。兼備車舟。曰。多置火器。曰。招降用間。曰。審度時

勢曰、妨守河套、曰、營田儲蓄、曰、明職守、曰、息訛言、曰、寬文法、曰、處華蓄。上令兵部定策以聞。已而復上營陣八圖。上嘉獎之。令本兵議行。于是廷臣議說先後章疏俱可行。上又令集謀定策。說復請大司農金錢以數十萬計。謂山東河南良家子十餘萬。于是部心知其難。不敢決請。上令說與邊臣悉商以聞。

套古朔地。自正統後。漸棄東陝。於是河套遂為虜巢。成化八年。遣吏部侍郎葉盛行視。盛以為未可輕議。特結障增戍。謹之防。九年。移延綏鎮城于榆林。此余子俊經畧之功也。王瓊又以子俊為失策。後楊一清屢謀亦以才力不給。不敢力主其事。旋議旋罷。今言集俺答二酋。連歲殘破秦晉。久駐套中。說有是謀。可謂慷慨任事不避艱險者也。

致仕戶部尚書周金卒

金出入諫垣，彈劾不避權貴。正德中，馬昂獻隱
姪女弟，抗疏請誅昂，還其女人，偉其直節。

吏部侍郎董玘卒

玘，會稽人，性峭直，爲吏部，謝絕請托。鄉
人多賢之。然傳學能文，稱中峯先生云。

丁未嘉靖二十六年○正月山西巡撫楊守謙請經理

營田以足兵，前從之。○三月廷試，賜李春芳等三百一

人進士及第，出身有差。○北虜僭答，去歲款大同，塞求

貢，朝議疑之，嚴旨戒邊臣毋墮虜計。蓋是時有復河套

謀，將督兵出，故當事者力阻之。○六月，曾銑劾仇鸞科

歛士卒，阻撓軍機，巡撫楊博附和上詔各奪俸。先是虜

銑之病

吏區侵欺
而登之官
司風聞言
事所誤不
小

十萬衆入犯延安慶陽諸處曾統遣將李珍夜劫其
營斬虜百十一人生擒一人虜遁去上以統有擒巢奇
功命賞銀幣○九月科臣馬錫勅尚書王果御史艾朴
受鹽司賄命郎中余繼收納銀色不足上怒下果朴
獄戍邊後鎮撫司廉得張祿與其吏銀匠侵弊詔行巡
按追補果竟死戍所士論惜之○十一月宮中夜火詔
速赦楊爵爵引介清苦忠直秉性絕無干名競進之念
嘉靖初登進士拜御史因病在告九年復任每思國事
日非君恩未報至爲流涕乃上言五事皆指斥秉輿
疏入上覽之怒甚命逮鎮撫司長繫時中外譁言

爵論出人。皆稱其謫。直爵處獄中。憂慮抑鬱。然端凝正。直自在。雖獄卒咸信之。久得釋。陶文仲引箕仙惑。上。上以問大學士嚴嵩。吏部尚書熊浹。皆言其不可信。浹詞抗直。罷爲民。嵩被誅責。因曰。我固知釋爵等諸妄言者。至矣。命復逮繫。時方抵家。一日。忽邑丞旦訪之。逮者後至。坐定。逮者入。逮者向在獄中。與爵稔。若相訪。然爵迎謂曰。聖上又索我矣。逮者曰。非也。有事過此。特相候耳。爵曰。何隱焉。欲卽行乎。丞與逮者慰籍之。知其未朝食也。請入就食。爵不從。出飯與二人同食。飯甚粗。二人不堪。爵食如常也。妻子泣于內。爵飯畢。入內。限曰。吾

與若各盡其分而已。無慮我爲。永日尚有囑語乎。爵曰。行矣。弗復顧。逮者吐舌云。爵在獄七年。人無敢言者。會赦歸。有大鳥集合爵曰。吾其死矣。乃自爲墓志。未幾果卒。○廣西巡按馮彬。以廣西素患僮獠。與其召募防之。不若召募勦之。以據其巢。耕其土。兵部覆廣西一省。僮人半之。僮人三之。居民二之。事難猝舉。且恐他日各據爲賊。上從部議。○七月。吏部尙書唐龍卒。贈少保。謚文襄。○山西巡按陳棗言。北虜三犯山西。殺掠百萬計。費帑金六百萬。而戰守無尺寸功。議者動稱屯守。而虜之內侵。皆據板絕壁。蟻附懸崖。邊垣又安足恃。而加以

必戰則伏

套有幾套

伏則防制

右簡

積人而形

之清卿似

以肅官常

一綱打書

言命向導譯語和同鎮卒挾虜為重多囊鉞刀賄虜自

媚虜入既深漫一舉烽以塞責耳遷延歲久禍不可言

乞速議萬全期于必戰盡復套地以固邊防章下兵部

○陞尚寶司少卿嚴世蕃為太常寺少卿仍掌尚寶司

事○兵部尚書劉天和卒贈少保謚莊襄

天和湖南廣麻城人有應變之才始以御史裁大瑞廖

錢繼述相陝西造輕車強弩總理河道手製

戊申嘉靖二十七年○正月嚴嵩論曾銃開邊啓蒙禍

不可言夏言和同附會致悞國是上奪言官令致仕

銃詣京仰訊河套之議言左袒銃且有密疏稱銃之忠

皇明法傳錄嘉隆卷三肅皇帝

而嵩則極言其不可從。意稍稍侵言。及請給誓劍。得專修節帥以下。上始心稍稍惡之。且下諭曰。套虜之患久矣。今以征逐爲名。不知師出果有名否。兵力果有餘積。成功可必否。銃何足言。祇恐百姓受無辜之慘耳。言始懼不敢決。請上裁。會澄城山崩裂。有分崩離折之象。又京師大風霾。上敬天疑畏。以套議問嵩。嵩詆言。擅權自用。機事毫髮。臣不以聞。上已心疑。及退。上疏劾。訛并自求去甚力。上溫旨留之。而責言嚴切。遂罷河套之議。命縱騎捕銃至京。因盡奪言。師傳俾以尙書致仕。○兵部奏虜酋俺答等與套虜謀寇延寧。上曰。此

言徒二人
之志行未
竟也若見
賞而後見
誅者以賜
徒之奸文
致其罪耳
知勉取一
言便爲記
也

曾鏡開邊召之也。會勘以聞。仇鸞先被銑劾。因論銑尅
取軍糧。倖免重罪。倡復套謀。自解。法司會擬銑罪。律無
正罪。宜比失陷城池例斬。上欲擬所犯正例。于是擬
以交結近侍官員例。具獄報可。乃斬于市。妻子流三千
里。銑死。家無餘貲。妻子狼狽天下。冤之。○大同女年十
七。化爲男。○丁未秋。兵部尚書陳經被劾。以王以旂代
之。至是以河套議出。爲陝西總督。以劉儲秀代之。儲秀
循例疏辭。上怒削籍去。以趙廷瑞代之。不半年。兵部
更四尚書。時王杲簡諫。廉平孫繼皋清脩苦節。劉儲秀
清貞恪慎。相繼去位。皆出內閣之意。言官之口。其貪墨

世宗英明
不覺之至
而權反寄
諸所操以
故殺數大
成如言如
許如水焚

三月 奸佞依阿卑諂者卒安享榮祿卽有論劾行賄得解而
職任如故旋復陞轉以故今之大臣實難展布上爲內
閣劫持下爲言官巧詆相率低頭下氣者以爲循謹千
金雙璧絡繹道路卽以雄才大器著聲矣○秋七月八
月京師地震○九月陞提督兩廣兵部侍郎張岳爲
都察院右都御史總督湖廣川貴軍務○是月虜大入
塞至千林府圍○十月夏言死于西市 上令言致仕
言已出京仇鸞訐銃詎出塞喪師諸事以賄夏言得解
上益怒蒿欲雪憤力爲主張因構蜚語流入禁中及以
災異密疏引漢楊惲方故事以動上心方言行至天津

等皆為其
所陷使
上橫設大
臣致損聖
德者伊諱
之外也

車中聞銑被逮竟墮車曰吾死矣復具疏以辨訴嵩十
大罪不聽命削其籍行至丹陽錦衣衛校追入下三法
司會訊尚書喻茂堅以言實常八議罪可宥也上怒
甚尚復力持竟坐與銑交通律同戮于西市其妻蘇氏
請以身代上曰蘇氏亦流人安得代急遣之隆慶初
復其官如初賜謚文愍并祭葬

高汝斌曰嚴之其心于夏久矣桂州再入其亦有以
自取矣語云知足不辱知止不殆老氏之言豈欺我
哉宋時冠蓋公功蓋一時位極人臣隱士魏野作詩
遺之曰好去天上辭宰相却來平地作神仙而冠猶
假天書于進竟放逐以死迺知少伯子房真天外真
鴻不可易及試翠紅十帖紀有嚴請夏曼衍佛魏其
武安又有桂州往見龍虎山老僧并野老爭席諸事
則如桂州之不見寔自召之而寔不自悟也矣

已酉嘉靖二十八年

正月朔上不御殿○二月以張

治爲吏部尙書文淵閣大學士李本爲少詹事並入閣
預機務○北虜犯宣府把總江瀚董陽禦之全軍皆沒
遂犯永寧總督翁萬達親督總兵周尙文追斷其殿後
虜遁去捷聞萬達陞尙書尙文加太保○二月皇太
子冠尋薨謚莊敬○五月總兵周尙文卒其子陳叙功
代乞卹典科臣沈東請贈以封爵上怒市美令錦衣
衛逮訊○七月浙福巡海都御史朱統言長嶼諸澳大
俠林恭等勾引夷舟作亂而巨奸關通主匿年利因爲
向道宜正典刑臺臣因劾統額報啓蒙上令統還里

待罪令巡撫勘聞○九月謀報虜酋勢將深入尚書翁
萬達乞飭諸臣在關北者必戰以退虜在關南者必守
以保邊上令相機戰守○十月以夏邦謨爲吏部尚
書○十一月追巡撫河南胡纘宗至京會訊削籍爲民
先是陽武知縣王聯供行殿役不便纘宗怒笞之適御
史陶欽獲劾聯職罪罷歸復以殺人事覺生絞待報聯
謀動宸聽爲脫罪計令子朝策走京師以長至日假
朝衣隨百官入奉天門稱父冤奏纘宗以私郤故入人
罪巡案潘臬諸官阿附纘宗誣同羅織仍裙裾纘宗迎
駕詩爲呪咀上怒命逮係纘宗等二十餘人請京榜

自此好官
得志而計
皆若反得
楊楊稱勝
也

訊所司言王聯以絞罪重囚奏許誣指無據續宗詩章
全頌美聖德語非訕謗聯坐原罪朝策詐托假官當
斬續宗等悉赦勿治疏入上不悅大學士嚴嵩對曰
法官劉訥與續宗同鄉故黨庇上曰既云頌美何以
有湘竹英皇之句其為比護明甚乃廷杖續宗削籍為
民法司奪俸有差嵩以平反公忠兼支大學士俸○大
學士許繼卒

續宗寶人吏部尚書進之子練習國家典
故疎厚不伐嘗以兩世掌銓大俱盈滿云

庚戌嘉靖二十九年○正月朔上不御殿○二月謀報
虜移帳駐威寧海子又報欲寇朔州又報欲犯海西關

原傳報不一。部臣請先定廟謨。惟當急備薊鎮。爲京師屏蔽。發河澗兵一枝駐密雲。保定兵一枝駐通州。聽薊州撫臣節制。其涿鹿與州四衛亦聽徵調。隘口戍守。詔如議。○浙江巡按童威請寬海禁。以便漁樵。裕國諫從之。○三月廷試。賜進士唐汝楫等及第出身。○黃霧四塞。○四月湖貴苗平。湖貴苗自萬鎗以計。籠龍許保名。雖平而實未平也。總督湖貴御史張岳疏言。貴州諸苗旋撫旋叛。湖苗因之二心。若貴苗不誅。則湖苗之撫不固。因條列會兵討苗諸事。皆報可。于是岳開府辰州。集兩省官諫多。謂林菁深密。果耐無功。撫之便不。

此是正道
新見之典
印得定

明倫彙編 家範典 二十七
聽撫守之使不出掠可也。岳力言撫守皆非長久之策。必大勦以兵。然後撫守可固。貴州巡撫李義壯附萬鍾撫議。岳勅其不受節制。弗肯協謀討賊。未幾苗陷印江。寇石阡。貴州震動。事聞。上降詔切責岳。削義壯籍。岳曰。湟中之議。初亦譁于衆口。伐蔡之役。功必成于獨斷。厚集三省兵。一意進勦。龍許保等亦糾合湖廣。附貴境。叛苗百餘人。出劫思州府。思州城中居民不數十家。舊有瞿塘街。踰更卒戍守。時聞苗平城守稍息。知府李允簡方視衙。苗寇百餘人。佯稱瞿塘卒更戍突入城殺吏民百餘人。掠帑藏執允簡及經歷知事等官去。悉將石

邦憲等聞報。亟分兵邀其歸路。諸苗懼。縱允簡等得逸。去由小徑。各遁入林箐。邦憲等所遣兵伏諸路。邀擊擒斬數十餘人。岳乃檄永保二宜慰司及酉陽宣撫冉玄會兵討湖苗助逆者數寨。各兵擒斬湖苗渠魁數十人。餘黨後以撫定。初田應朝自得巡捕後。日益橫恣。有司侵不能制。既構永保寨。又合酉陽兵攻平茶。屠殺無辜。及討苗多所阻撓。岳至檄使來見。固不奉令。後謾語應之。岳廉知應朝雖誦不習騎射。無武勇。所恃從叔田勉驍悍。爲之牙距。岳先以計執勉。數其罪。杖而斃于獄。應朝乃寢匿苗寨。累遣人自列。岳許之。令出立功贖罪。

然負固。岳乃革其巡捕。既失巡捕。勢益窮。諸土官多仇嫉之。乃托承順。宣慰。投見于軍門。岳以時方用兵。恐激他變。乃杖而釋之。令從征。及苗寇破。仍以計擒殺之。時諸苗畧定。惟龍許保。吳黑苗。未獲。岳檄邦憲等。懸賞購之。邦憲密遣人入寨。賄令聽梅苗。麻得盤。吳老律。吳旦逞等。窺龍許保。至龍田寨。親家。誘至別寨。飲酒。醉而縛焉。預遣人報邦憲。以兵取之。械保至岳。梟斬。轅門諸守。遂欲罷兵。岳力持。不可。謂吳黑苗。未誅。必爲他日患。時黑苗無所蹤跡。詢知其以捕急。故深自匿也。岳乃緩令密齎。諸土官索之。遂得黑苗。而置之法。于是岳乃疏。

報各哨擒斬俘獲近二千餘人。從賊首有名者五十人。又獲龍許保、母女妻妾，併獲龍許保餘賊，而逃匿林箐。凍餓死者幾盡其巢，寨俱已焚毀。所窖藏米穀燒掘無遺。具以捷聞。苗甚哀敗，岳乃撤新調兵而畱邦憲守焉。

○虜犯大同，詔起復兵部尙書翁萬達、總督宣大、咸寧侯仇鸞、總宣大兵虜大酋曰小王子。故元君後，控弦可數十萬人。其人甚富而饒樂，有帳九，帳蓄珍瑤直百萬。或云故元府藏物也。嘉靖甲午，大同卒叛，殺其帥，陰媒小王子入援。敗我師，大同城下。而小王子得少利輒去，不復顧。我僅以策降大同而已，不能復有所誅討。虜別

部吉囊有子十人人萬騎又有僉答亦強盛十餘萬騎而前後掠中國人將之小王子雖稱爲君于屬卑取焉縻而已不復肯奉調御朝會日黃毛者異種虎悍不大能別死生有君長而衆少于三部虜或時深入黃毛又從後掠徽取子女玉帛虜苦之後兵合逐北急擊大破之黃毛以是無內顧得併力攻我已亥辛丑吉囊及僉答連歲入山西抵太原圍之十六日而解剽殺吏民歐男婦畜產以百萬計山西固多慄悍射士目不習虜多委棄貨業走山谷間不幸遇賊卽長跪捧首待誅亡敢抗久乃稍稍易之又憤恐合部落爲築戍堡簡健夫日

夕乘城。指白挺所在。遂有所獲。又或出計得不償。會吉
業死。乃絕不復窺山西。丙午。自宣府入。隆慶總督尚書
翁萬達發大同周尙文兵拒却之。尙文老矣。耐披甲臨
陣。與士均苦樂。爭願死爲將軍。無何。萬達入兵部。尋以
父喪歸。而尙文卒。侍郎郭宗舉翁萬達都督張達。繼將
大同兵。庚戌夏。六月。虜酋俺答率衆數萬。由小鷲圪塔
墩口入大同塞。計伏精銳谿谷中。以羸騎百餘爲餌。偵
卒信之。走白達。達素果敢。徵兵未集。達率麾下卒馳擊
之。伏發。圍達數匝。馬蹶見殺。副帥林椿分兵擊虜。零騎
于彌陀山。聞達被圍。卽馳援達。亦中流矢死。虜退。事聞。

先帝服失
援之如和
此

追宗阜及巡撫陳耀下獄具狀卽朝堂杖一百發贖
戍邊左詔褒楊死事者贈官蔭子賜謚立祠虜得三將
首遂引兵去○詔起復兵部尙書翁萬達總督宣大間
任都御史趙錫代陳耀爲大同巡撫起咸寧侯仇鸞爲
宣大總兵官加鸞太子太保

八月虜酋俺答脫脫辛愛等自咸寧海子移住斷頭山
并調集套虜衆至十餘萬謀深入關南攝總督侍郎蘇
祐初至宣大卽請益兵餉未報而俺酋恨台吉擁衆窺
大同咸寧侯仇鸞懼私遣其所養時義以重賄結俺答
令別寇宣府薊州無犯大同虜遂東去寇薊鎮薊鎮無

使斯時有
能整兵助
之寇自退
何消後日
費名盜
多征調
招許多錢
多級探九
通高七九
旁且又戰
一通戶則
寫圖解之
點與

重關。山外卽虜境。所恃三衛爲藩籬。三衛舊得大寧地住牧。又歲利入貢。頗爲我捍禦。虜不能越三衛入寇。近三衛稍離心。多結迤北大虜。故虜由其境入犯。三衛及陰爲嚮道。云虜之東也。嘗實使之。乃佯奏探知虜東行。恐侵薊鎮。震京師。請提兵駐居庸。以備不虞。是月乙亥。虜果寇薊鎮。攻古北口。巡撫都御史王汝孝悉衆禦之。丙子。虜縱兵自間道至黃榆溝。諸處挾邊牆入。我兵不能禦。遂大潰。丁丑。虜悉衆入圍順義。時以保定兵駐城中。城乃得全。虜遂長驅入內地。○虜逼通州。○巡按直隸御史王忬聞虜攻古北口。疏請集謀。皇明法傳錄卷三 諸葛亮 三十一

戰守策而馳駐通州曰此國家咽喉處也急警吏民城
守汝漕舟艤路河西勿使爲虜用○戎寅虜至通州以
白河阻之不得渡乃駐營河東二十里孤山汝口諸處
分掠密雲懷柔三河昌平諸州縣村落居民焚殺殆盡
王抒夜爲疏總使走京師請援京師始震急集諸營兵
城守僅老弱四五萬人又半役于總兵提督家不令出
伍索武庫甲伏庫閣據側勒贖不時發久之不能軍本
兵丁汝襲以聞上大驚遣都御史王儀以三千騎援
通州而命文武大臣各十有三人分守都城九門及皇
城四門以吏部左侍郎王邦瑞定西侯蔣傳總督之給

主防難此
命置旌旗
壁壘少有
生色

陡此時文
自當因還
有極當不
至如請之
動止也

旗牌令以軍法從事。又命都御史商大節督利道官募
民間材及良家子坊甲保伍合四萬餘分置城郭間後
令四方來試武舉者千餘人分從諸大臣策應上猶
慮不固檄召大同總兵戚繼光引兵發居庸亟前
禦虜徵餉鎮諸路及河南山東兵入援禮部尚書徐階
奏言京師之兵多不習戰統領黜貴又不知兵乞出罪
并戴綸廢弁劉大章等赦宥召用又曰宜召仇鸞兵入
衛大約以大同人馬為京師先鋒以京師人馬助大同
人馬聲勢相倚上嘉納之詔宥綸等各復原職給與
兵馬行糧聽總兵官仇鸞調遣○詔以咸寧侯仇鸞平

虜大將軍總督勦王師諸兵以楊守謙爲兵部左侍郎提督戎務時鮮先駐師於庸故首得命卽以大同兵二萬三千至守謙亦以保定兵五千至人心稍安旣而河間宣府山西遼陽延綏諸將各以兵先後至凡七鎮五萬餘人上嘉勦王師各賜璽書褒獎予金帛使歸虜衆卽軍中拜爲大將總諸鎮兵賜襲衣玉帶上尊千金又賜密敕封記曰朕所重唯卿一人得密啓奏以守謙提督圍營駐師城下以衛京師分遣京營諸兵屯城內外巷陌間營兵俱見敕驅之出皆泣不敢前城外及近地居民擁入連日不絕多被血淋漓至者時事起

平時不知
預備倉卒
之間安能
周悉故未
雨綢繆聖
人以爲知
道

倉卒諸務未備諸勤王師變聞卽馳至未齋糗糧制下
犒師牛酒諸費皆不知所出戶部文移往復越二三日
軍士始得數餅餌啓廩發粟則囊橐皆無所需故
士卒饑疲且甚陸炳因言戶部不預計軍興糧餽不支
士多餓死。上怒令奪尙書李士翱以下諸官職戴罪
辦事。○虜自白河東渡潞水西北行大掠村居民焚燒
廬舍火日夜不絕至東直門執御廄內臣八人以去郊
民扶傷披血集門下門閉不得入萬口號慟聲徹西廄
上命啓門扉納之。是日虜掠婦女大飲演武堂上遊覽
往返六門外勤王諸兵無有敢撓其鋒者先虜求通貢

廣東通貢

狼狽至此
猶曰捨食
賊耳必何
如而後謂
之助敵耶

命廷臣集議通貢得失。初虜執御殿內臣楊增去，不殺。見虜酋俺答踞坐璽帷，謂曰：若歸見天子，好爲我致書，乃令增持書入城。及啟書，多嫚語，求入貢。上召大學士嚴嵩、李本及禮部尚書徐階，對于西苑。上曰：事勢如此，奈何？嵩曰：此捨食賊耳。又何足患？階曰：虜在城下，縱火殺人，胡止云捨食？當議所以禦之之策。上顧階曰：卿言是。因問虜求貢書安在？嵩出諸袖中。上曰：此事何以應之？嵩曰：此禮部事。階曰：事雖在臣，唯皇上主張之。上曰：正宜商議。階曰：今虜駐兵延郊，而我戰守之備一無所有，宜權許以款虜。第恐將來要求無

隋之對可
謂得權宜
之法

厭耳。上曰。苟利社稷。皮幣珠玉。皆非所愛。隋曰。止于
皮幣珠玉則可。萬一有不能從者。奈何。上竦然曰。卿可
謂遠慮。然則當如何。隋因請以計欸之。言其書皆漢文
人多疑而不信。且無臨城脅貢之禮。可令退出大邊外。
別遣使齎番文。因大同守城爲奏事。乃可從。如此往還
之間。四方援兵皆至。我戰守有備矣。上首肯曰。卿言
是。因令出再集羣臣議。通貢可否。日午羣臣畢集。禮部
示以虜書。言欲以三千人入貢。許之則緩兵。不則益兵。
破其城。因陳筆劄。令各書所見奏請。上裁羣臣相顧。
莫敢發。時將向夜。上望見德勝安定門外。發火燭空。

練食
不可得
之而兵
之爲之

大震惧時。上久不視朝。以虜衆薄城。吏部尙書夏邦
邦謨疏言。人情洶洶之時。非上躬御正朝。延見廷臣。不
足以繫衆望。振威武。上許之。是日文武諸臣具服
待命闕下。哺時。上始出。御奉天殿。降勅責諸大臣。遂
還官。羣臣出就午門下。跪聽宣勅。皆惴慄。計所以處分
門且下鍵。乃勅遣官校逮繫王儀。王汝孝來京。卽訊及
儀至。下獄。以畏悞不戰削籍去。逮汝孝。使者道梗未達。
汝孝復斬獲虜級。竟得以後功未減謫戍。初儀至通州。
命營兵屯戍城外。而自閉閤臥城中。會咸寧侯仇鸞引
兵至。虜少却。爲兵以饑故。往往掠食諸村落。儀令人捕

執下獄死者十數人。鸞兵大譁，欲甘心儀。廼遣御史上其狀，故逮治之。尋超遷巡按御史。王忬爲僉都御史，代守通州。虜闖入古北口，由通州薄都城。是時虜有求貢之意，嫚書入朝。上詔禮部尙書徐階集百官議曰：中莫有發一語者。司業趙貞吉抗言曰：此不必問。恐後生懦夫，暗不解事，萬一許貢，則虜必入城，三千之虜，恐烏鬚驛中莫之容也。且虜肆深入內外，夾攻胡以禦之，不幾震驚宮闈乎？不務驅逐而畏其恐，喝許之貢，何異城下之盟？斷不可者。檢討毛起謂時事孔棘，宜暫許之。遂使出塞，而後拒之。貞吉叱起謬語，羣臣俱以爲不可。

亦自傾軋

奏入。上召二人入對。西內貞吉大言。陛下宜御奉
天門。下詔罪已。追獎故都督周尙文之功。以勵邊師。釋
給事周東于獄。以開言路。輕損軍之令。重賞功之格。傍
文武百司。共爲城守。遣官宣諭。監督力戰。且曰。士卒不
力殺敵。以平昔主將多冒首功耳。今誠得首功一。卽予
百金。捐金不十萬。虜且盡矣。因求爲御史。佐軍務。上壯
吉言。遂擢春坊兼御史。予金五百兩。領勅將行。而勅
小有督職語。不可統攝諸將。因謁嚴嵩。嵩故有卻辭不
。吉怒。叱門者。嵩大恨之。會趙文華又素銜貞吉。故
訖而將甘心焉。竟不與事權。卽兵曹一議卒不可得。

時虜騎充斥。單騎出城。先請總兵仇鸞營宣。上肯激。
屬付賞功銀。一時請將。雖感奮而懼。甚乃辭曰。吾軍
與虜逼。安能頓貯多金。不之納。虜且引去。貞吉計無所
出。迺徧諭諸營而還。比旦。復命。嵩謂貞吉狂誕。追論其
中理。周尙文沈東非是。上怒。命錦衣逮杖落職。謫荔
逋典史。上雖責貞吉。而心實重之。嘗問趙某何在。故
由納言。轉卿寺。拜戶部侍郎。○虜逼通州。時汝襲聞警。
束手無措。募偵者。無償卒出郊。不十數里。遇扶傷者。輒
奔還。妄言見虜。城中輒震。既而言不信。汝襲不加罰。後
募他卒偵之。恠妄如故。城中數大震。而成國公朱希忠

事勢如此
汝變事跡
處置

理京營兵以兵多役占不足行伍恐見兵少且獲罪乃
東西製調爲掩飾計兵疲不得息家人不知所餉亦不
知製調者爲誰爭想汝變語徹禁中及勤王師至廉餉
不時兵餒疲出怨語而大同軍尤無律往往推髮劫掠
村落中時被捕獲詭稱遼陽軍遼陽軍者朵顏諸部也
先是有傳虜中語遼陽軍實導我來者故京師訛言遼
陽軍叛而彎方被寵雖被大同軍行掠者不敢治必以
聞上謂大同軍首入援行掠亦出饑疲令免窮治遂
發收撫而彎殊不阿禁汝變不得已令勿捕大同軍大
同軍益無忌民間苦之有甚于虜乃恒詭稱遼陽民間

虜自去

其何言也

豈宜出之

和君之口

大宛屈事

劉雄別白

不知遂謂汝斐山東人以鄉曲故庇達陽叛軍及虜薄
 城下汝斐受計于大學士嚴嵩謂地近喪師難掩當令
 諸將勿輕戰虜飽自去耳諸將固不敢戰乃諉曰汝斐
 有禁勿戰民間益歸罪汝斐而鸞機詔無率兵往擊虜
 乃虜在城下鸞故遠屯郊垌外不敢近城中莫知鸞擊
 虜與否而楊守謙被命屯城下不敢遠去又以兵少故
 不敢一擊虜上聞之謂鸞遠出禦虜而守謙畏懷不
 出師併汝斐切責之時虜駐城下多殘燬諸中貴圖監
 諸中貴遂誘汝斐守謙策于虜上益心動乃命執汝
 斐下詔獄遣軍自軍前遠守謙入俱下法司即訊命史
 皇明成化傳錄

汝參守禮
以兵少不
戰帶固宜
之於一東
于區區一
百千仇害
情有可原

部左侍郎王邦瑞、攝兵部艾希淳代將守謙兵。時刑部
侍郎彭黥、左都御史屠僑、大理少卿沈良才等論汝葵
守謙罪當斬。獄具。爰書甚長。胥史錄不卽竟。上時坐
齋宮。趣具獄。稍延數刻。上大怒。謂黥等比黜將有所
規免。令逮繫廷杖之。奪祿有差。是日。上卽命斬汝葵。
守謙、刑科都給事中張侃等連疏請按例三覆奏。上
愈怒。又逮侃等廷杖之。仍削侃官。斥歸田里。○己丑。素
汝葵守謙于西市。初。虜犯城下。嵩令汝葵下。令勿戰。及
汝葵被迫。嵩恐露前誓。紹曰。毋慮。吾爲之地。汝葵亦信
嵩有回天力。安之。弗自辯。及臨刑。乃大呼曰。賊嵩誤我。

為及以神
百二百級
報自効無
功繼大保
賞其溫

遂與守謙俱棄市。仍梟汝焚首以徇。令勿收葬。放其妻
三千里外。子成鐵嶺衛。○己丑。虜將金帛人畜漸退。先
以其輜重北去。餘衆猶分掠京城外。欲西奪白羊口。出
辰寧侯仇鸞師。請將兵尾之。虜被白羊守將扼險禦之。
不得出。稍棄牛羊。擁衆東南還。至昌平北。猝與鸞軍遇。
鸞不意虜近。倉猝未陣。虜騎蹂入。我兵不戰而潰。死傷
千餘人。鸞幾為虜獲。以裨將戴綸徐仁救免。虜長驅至
天壽山。見總兵趙國忠列陣紅門前。不敢入而去。戊子
虜出橫嶺口。趨懷來川。庚寅。虜衆盡出。虜至邊。被甚。又
顧絕輜重。皆不能軍。諸將以白羊之敗。兵氣不揚。竟不

逼赶。但尾至石匣城及張家古北口而返。○九月郎中

徐學詩劾嵩奸貪異常。縱子世蕃擅執父政。間有所奏

必陰中之。如科道王舜陳壇謝瑜董漢臣。今安在哉。乞

△安在哉
四字千古
為痛

亟罷斥。命下獄。即訊。○十月仇鸞請選抽各邊銳卒衛

京師。兵部曰。邊鎮乃京師門戶。禦寇不于門戶。而格闕

于堂奧可乎。帝命宣大二鎮勿徵寇入。犯即星馳入核

屬大將軍各鎮共選六萬八千人。班二京師。與京營兵

雜練京營諸將分詣各訓練士卒。以備北伐。營請駐師

宣大侯。冬月大舉伐虜。于是兵部侍郎史道顯整士馬

戶部尚書孫應奎願備軍餘工部尚書胡公順利審械

備策不旋
而虜去而
快發兵伐

之乃仍不
明于邊
之數且昧
微已之勢
所謂賊去
開門馬後
鳴道是也
可笑可笑

帝悅命戶部括各省貯積追積通以俟軍興○十一月
鸞率兵聲言擊虜乃稍至近塞夜襲斬老弱數級還自
劾無功不問○內閣張治致仕卒○虜衆既盡出邊詔
王邦瑞大振京營戎務京營廢已久衛卒多役于諸將
及中貴之家或死亡者猶案空籍給衣糧充行伍者又
皆老弱不任兵初成國公朱希忠提督京營王邦瑞論
罷之乃以仇鸞代希忠置戎政府始製印章命邦瑞協
理爲鸞副革去提督內臣鸞特寵遇所言無不從益興
橫邦瑞先承制整飭營務奏論多忤鸞意主事申燧持
法不爲鸞屈上疏言京營廢政語稍侵鸞鸞怒密疏

可惜

遠燧杖之左遷而出。營請大舉北征。復請廣集精兵。
上命戶部遣使盡括南都及十三布政司庫貯時搜括。
嚴切。凡解部可二百萬云。營特寵甚。所上疏。即內批行。
之。不下部議。邦瑞因以爲言。又屢駁。營請。營請之。遂落
職去。

以易州昌平州及通州爲三輔軍。總畧。各添大區。

皇明法傳錄嘉隆紀卷三終